

Utmarksoppsyn

Rapport: Ål utmarksoppsyn

Året 2021



Ola Vaagan Slåtten
08.02.2022

Bakgrunn for oppsynsordninga

Med Ål Sankelag som prosjekteigar skipa landbruksorganisasjonane i Ål til ei prøveordning med utmarksoppsyn i åra 2017, 2018 og 2019. Attendemeldingane var gode, og ordninga vart difor vidareført ut over prosjektperioden. Finansieringa held fram som eit spleiselag mellom Ål kommune og ulike næringsorganisasjonar. I 2021 var Ål kommune, Ål Sankelag, Ål Fjellstyre, Vats og Leveld Sau og Geit og Ål Bondelag med på å finansiere oppsynet. I tillegg søkte Ål Sankelag om pengar frå ordninga Fjellandbruket. Søknaden vart innvilga med 50 000 kroner fordelt over åra 2020 og 2021. Inkludert sistnemnde vart budsjettet for arbeidsåret 2021, 200 000 kroner.

Styringsgruppa arbeidsåret 2021 var som tidlegare år Rune Bøygard (Ål Sankelag), Håkon Haug Laa (Ål Bondelag) og Bjørg Torsteinsrud (Ål kommune/skrivar). Ola Vaagan Slåtten heldt fram som oppsyn. Slåtten arbeider på timebasis, og 2021 var femte oppsynsseasonen hans i Ål. Styringsgruppa er svært nøgd med det arbeidet han utfører.

Ål, 7. februar 2022



Nedre Blomestølen, under Reineskarvet

Framsidediletet er frå Fetjo, Veståsen

Innhald

Oppsynsaktivitet: Timar, kilometer, kostnadar..... side 4

Rapport/oversikt 2021: Kontroll, tilsyn side 6

Arbeidsoppgåver 2021: side 9

Erfaringar gjennom sesongen: side 11

Økonomi: side 18


Investeringar/eigendelar: side 19




Ved Hellebu, Liagardsåsen

Oppsynsaktivitet

Oppsynstimar 2021	318 timar (+ 3 vekesverk ferieavløysing ved Hol Fjellopsyn)	<u>318 timar inkluderer:</u> Dagleg planlegging, vakt og rapportskriving utgjør ca. 1 time administrasjon pr. oppsynsdag/-tur. Fordelinga er slik: - 3 timar oppdatering <i>Rapport for sesongen 2020</i> - 6 timar oppsyn i skiløypene - 19 timar vinteradministrasjon og planlegging før sommarsesongen 2021 - 15,5 timar evaluering, møte, årsrapport 2021, administrasjon etter sommarsesongen, og planlegging for 2022. Korrektur årsrapport 2021, blir på nyåret - 42 oppsynsturar i sommarsesongen		
Kilometer	3049,5 km			
Kostnad pr. time (arbeidsgjevaravgift, løn og sosiale kostnader er rekna med)	423 kroner	Sjå økonomiavsnitt side 18		
Kørekostnader pr. oppsynstime	48 kroner			



Låstølen, Øvre Ålsåsen



Eitrestølen, under Reineskarvet

Rapport/oversikt sommarhalvåret 2021

Oppsynssesongen 2021 prioriterte styringsgruppa og utmarksoppsynet å gjennomføre meir oppsyn i fellesferien og sommarvekeene fram til skulestart. Tanken var å vera mest mogleg i fjellet når det er mykje folk der, slik vi også gjorde det i 2020. Årsaka til prioriteringa var at vi forventa mykje ferietrafikk innanlands. Vi prioriterte hyttefelt/gjerder og bandtvang/skilting først på sesongen. Hausten 2021 prioriterte vi å få opp nye, permanente bandtvangskilt på stader med mykje folk og utan gode tavler å henge på. Fordi det vart gjennomført meir oppsyn i sommarvekeene, vart det færre oppsynstimar utover hausten enn før koronatida. Det vart med andre ord mindre «sauesank».

Som i 2020 kjøpte vi tre vekers arbeid av Hol Fjellopsyn. I åra 2017-2019 kjøpte vi to veker i året.

Kontroll, informasjon/avvik	2019	2020	2021
Fiske	Tilsyn ved Votna. Elleve fiskarar kontrollert i Fødalen	Kontrollar ved Toviken og i Fødalen. Rettleia diverse fiskarar og varsla om manglande fiskekort i kasser ved Hesttjørn, Hengsen mv.	Kontrollar ved Rødungen N. og Varaldset. Hesttjørn. Kontroll av hus og kasse mv.
Jakt	-	-	Oppsyn og kontrollar ved Sangefjell og i Fødalen.
Bandtvang	8 av minst 62 gjekk lause	6 av minst 72 gjekk lause	6 av minst 69 gjekk lause ¹⁾
Gjerde	Registrert 43 farlege gjerder	Registrert 76 farlege gjerde	Registrert 27 farlege gjerde
Motorferdsel i utmark (barmark)	Eit tips meldt vidare til politiet. Ein observasjon meldt vidare til Hol Fjellopsyn	Nokre observasjonar på Hol-sida, er melde vidare til Hol Fjellopsyn	Sjekkar ut fire tilfelle av hjulspor, maskinkøyring, graving.
Forsøpling	Litt søppel å finne 40 av utedagane	Litt søppel å finne 39 av utedagane,	Litt søppel å finne 30 av utedagane,

Rapport: Ål utmarksoppsyn

	(omtrent som i fjor)	(omtrent som i fjor)	(noko betre enn før?). Ei fylling.
Skilting	Bandtvang	Bandtvang	Bandtvang
Kontakt/informasjon	Diverse kontakt, frå rettleiing til småprat eller helsing i forbifarten	Diverse kontakt frå rettleiing til småprat eller helsing i forbifarten	Diverse kontakt, frå rettleiing til småprat eller helsing i forbifarten

¹⁾ Dei som hadde lause hundar sommaren 2021 var raske med å sette hunden i band ved påtale. Oppsynet signaliserte til ein hundeeigar på avstand. Eigaren vart merksam på oppsynet, og tok då hunden i band.

Enkelte ringer til oppsynet og vil leige fiske eller jakt. Då viser oppsynet til grunneigarar i dei ulike områda.

Barmarkskøyning er ikkje mykje omtala i tabellen, men dei gongene det skjer, kan det føre til stygge sår i marka. Hjulspor kan dessutan føre til at myrer blir drenerte. Dette må ein kanskje vera meir merksam på, også ved køyning i samband med jakt. Av same grunn er det viktig å følgje med på utvikling av sykling i terrenget.

Sett over dei fem åra det har vore organisert utmarksoppsyn i Ål, kan det verke som om mengda søppel går litt ned, særleg «dynger» og porsjonssnus. Oppsynet plukkar sjølv med seg handterleg søppel. Større ting blir meldt vidare til kommunen.

Oppsynet bør ha med seg ut minst 25-30 bandtvangplakatar kvar sommar. Dei gule plakatane overlever ikkje kulde, vind og sol over fleire år. Sesongen 2021 sette oppsynet og ut 19 permanente skilt om bandtvang. Skilta vart sett på vanlege gjerdestolpar.

Oppsynet tek også tak i anna etter skjønn, og varslar om ting det kan vera nyttig å få greie på. Det kan vera båtar fulle av vatn, feil skilting, opne vegbommar og hyttedører, med vidare.

Ingen hendingar vart melde til politiet i 2021, men politiet vart orientera om alle brot på bandtvang og om hjulspor i utmarka.

Ferdsl/fugl/vilt i fjellet	2019	2020	2021
Bubilar	15 (pluss nokre campingvogner og)	30 (pluss nokre campingvogner òg)	22 (pluss eit par campingvogner)
Rovfugl	37 stk., mest tårnfalk, kongeørn og dvergfalk. Generelt lite å sjå	46 stk., mest tårnfalk, kongeørn og dvergfalk. Mest sist på sesongen.	15 stk., mest tårnfalk, kongeørn, fjellvåk.

Rapport: Ål utmarksoppsyn

			Generelt lite rovfugl å sjå.
Hjortevilt	11 elg (5 av dei i Nordfjella), 2 rådyr, 1 hjort	Ingen observasjonar i fjellet	1 rådyr (Holsåsen). 1 elg Frosen.
Fjellrype/lirype (og skogsfugl)	Ca. 137 ryper, 3 skogsfugl	65 ryper, 1 skogsfugl	124 ryper, 6 skogsfugl
Smågnagarar	Nesten ikkje mus eller lemen å sjå	Nesten ikkje mus eller lemen å sjå, kom nok litt mus på slutten	Nesten ikkje mus, ingen lemen å sjå.
Hare	-	-	2 harar
Rovvilt	7 raudrev, 1 røyskatt, 1 snømus	1 hoggorm	1 snømus

Desse opplysningane er heilt sikkert prega av lite oppsyn tidleg og seint på dagen, og mest oppsyn før rypekulla er flygedyktige. Det var få ryper å sjå i juni og juli. I staden for heile kull, såg ein gjerne berre eit hovud eller to stikke opp frå lyngen. Det var generelt bra med ryper ved Reineskarvet i år.

Det kunne sjå ut som det er fleire som vel å feriere med bubil i fjellet no enn tidlegare.

Sau	2019	2020	2021
Funne daud	2 (1 søye, 1 lam) + 1 daud sau meldt vidare etter tips	3 (1 søye drukna i myr)	-
Redda skårfeste	Varsla om 3 stk. sau	Varsla om 10 stk. sau	-
Redda myr	-	1 lam	-
Løyst frå gjerde	-	3 lam sleppt ut frå vollar, 1 ku var laus	-
Avliva	-	-	-
Meldt skadd/sjuk	10 sau, 2 geit	2 sau, 1 geit	2 sau (Ål/Hol)
Meldt etter fjellsanken	37 (+ mange meldt til Hol), + 4-5 meldt vidare etter tips	16 (+ 7 meldt til Hol) + mange meldt vidare til Ål og Hol etter tips	11 (+ ein del fleire til Hol) + mange meldt vidare etter tips frå turgåarar

Det var som sagt færre oppsynsturar utover hausten i 2020 og 2021 enn det det har vore tidlegare år.

Arbeidsoppgåver 2021

Det viktigaste i oppsynstenesta er tilsyn, rettleiing/vertskapsrolle, kartlegging og kontroll.

Meir om hovudoppgåver:

Det har vore ei hovudoppgåve å sjå etter beitedyr, særleg sau, i utmarka. Hund og bandtvang er ei høgt prioritert oppgåve for utmarksoppsynet i Ål. Vertskapsrolla er ei anna oppgåve som er viktig å skjøtte. Ein møter folk, og ein driv med informasjon gjennom Ål kommune i sosiale media.

Det har vore viktig å kartlegge ferdsel på ulikt vis, samt fuglar og dyr, for å kunne bidra til betre oversikt over utmarka i Ål. I 2021 har ein halde fram med å registrere artsobservasjonar på internettsida med same namn. Det å ta med søppel frå fjell, stigar og parkeringsplassar har vore ei opplagt oppgåve også denne oppsynssesongen. Fiske har ikkje vore høgt prioritert i oppsynet so langt. Fjellstyret har bede om at oppsynet er innom Førdalen i småviltjakta, og i år starta vi etter førespurnad òg opp med jaktoppsyn på Sangefjell.

Utmarksoppsynet heldt nær kontakt med styringsgruppa for arbeidet.



Mot Djup

Utført arbeid:

- ✓ Føre tilsyn med beitedyr i alle delar av kommunen. Varsle saueeigarar/grunneigarar i nabokommunar når det er naturleg.
- ✓ Melde frå om skada, skorfaste dyr med vidare, og om *alle* sauer i fjellet etter fjellsanken.
- ✓ Henge opp plakatar om bandtvang. I 2021 laga Ål kommune ein del nye, permanente plakatar i samarbeid med utmarksoppsynet.
- ✓ Registrere fugle-/dyreliv, bilar, gåande/syklende mv. i fjellet.
- ✓ Fjerne diverse søppel – smått og stort – gjennom heile sesongen. Varsle kommunen om forsøpling eller skjemmande dynger nærmare bygdene.
- ✓ Legg med jamne mellomrom ut livsteikn, informasjon og oppmodingar frå utmarka på Ål kommune sine fjesboksider.
- ✓ Administrativt arbeid, som planlegging, samt rapportskriving til styringsgruppa etter kvar oppsynstur.
- ✓ Sjekke turveg, skilt og postkasser med vidare.
- ✓ Gi informasjon og svare på spørsmål frå folk på tur.
- ✓ Diverse kontroll, særleg bandtvang og gjerde.
- ✓ Fotografere, registrere, ettersjå og formidle kunnskap om kulturminne der det er naturleg.
- ✓ Følge opp egne eller andre sine observasjonar av barmarkskøyring, moglege permanente «telt» med vidare.
- ✓ Melde frå om bygningar som er dårleg sikra/farlege.
- ✓ Hjelp beitedyr som treng hjelp for å kome seg ut frå vollar mv.
- ✓ Vinteren/våren 2021 var oppsynet nokre turar ute i skiløypene. Føremålet var særleg oppfølging av reglane i lokal hundforskrift om bandtvang i maskinpreparerte skiløyper frå 15. desember til 1. april.



Ved Lauvdalsbrea

Erfaringar gjennom sesongen

UNIFORM: Oppsynet er i teneste utstyrt med gul eller grønn overdel med logo. Det gjer at folk skjønner at dei kan ta kontakt. Ei uniform med jakkemerke kunne vore eit alternativ. Då ser ein òg at det er oppsynet ein møter, men ikkje på langt hald. I så fall måtte ein heller ha på raud lue eller gul vest for å ta vare på tryggleiken i jaktområde.

LEGITIMASJON: Oppsynet går med politiskiltet rundt halsen, og skal såleis vere tydeleg å forstå rollemessig.

TELEFON: Det ligg ute kontaktinformasjon til oppsynet mellom anna på kommunen si nettside og fjesbokside. Det har vore greitt å ha ein vakttelefon. Den har ikkje ringt ofte, men for dei som nådde fram der, var det sikkert godt å få meldt i frå straks. Det er dessutan viktig at informasjon om til dømes skadde dyr og dyr som går att etter fjellsanken, kjem til rett person raskt.

Oppsynet fekk utdelt telefon frå kommunen. Denne telefonen har hatt noko mindre dekning i enkelte område enn privattelefonen, og har difor vore lite i bruk ut over funksjonen som vakttelefon.



Volelivegen, Torpoåsen

SAU: Det er ei hovudoppgåve å sjå etter beitedyr, særleg sau, i utmarka i Ål. Bortsett frå i Sangefjell-området, er ein nærmast garantert å treffe beitedyr når ein er på oppsyn i Ål. Dermed har oppsynet observert mykje sau gjennom sesongen. Saueeigarane driv sjølvsgt òg tilsyn.

Beitesesongen vart prega av at snøen gjekk fort, og at dyra mange stader måtte leite etter gode beite og drikkekjelder siste del av sesongen.

Oppsynet har sett nokre sauer i fjellet etter fjellsanken. Oppsynet har òg meldt vidare om mange sauer etter tips frå andre. Det sparar vonleg saueeigarane for tid og bekymringar.

FISKEKORT: Fiske har ikkje vore høgt prioritert. Noko kontroll, rettleiing og hjelp har det likevel vore. Folk ser ut til å te seg vel.

FORSØPLING: Sjøppel er ei oppgåve ein aldri blir ferdig med. Dette er ei viktig oppgåve fordi terskelen for å kaste søppel i natur som allereie er forsøpla er lågare enn i rein natur. Dermed ligg det ein gevinst i å halde oppe standarden, eller til og med heve han. Sesongen synta at det er veldig bra i Ål-utmarka. Det kan ha å gjere med at det ikkje er asfalt og at det er få store parkeringsplassar i fjellet. Dermed unngår ein busstopp og mange bilar på ein stad. Erfaringsmessig har det lett for å samle seg søppel slike stader. Det kan vera ein tanke å undersøkje med til dømes vassdragsregulantane kor mykje landbruks-/byggningsplast dei finn ved inntaka sine, og om det er behov for tiltak.



Beihovd, Flævatn

VERTSKAP: Vertskapsrolla er ei viktig side ved oppsynet i Ål. Dei fleste som går tur møter sjølvsagt ikkje på oppsynet. Av dei som møter oppsynet er det enkelte som har spørsmål eller treng opplysningar om til dømes utvida bandtvang.

I motsetnad til dei standardiserte bandtvangplakatane frå Norsk Sau og Geit opplyser dei nye, permanente bandtvangplakatane om *utvida bandtvang* lokalt. Dei lokale plakatane burde kanskje erstatte alle standardplakatar?

I tillegg til direkte kontakt, treff ein òg mange ved å leggje ut saker på kommunen sine fjesboksider. Oppsynet deltek også gjerne på til dømes «Ny Giv»-møte, hyttemøte, og på ulike møte med beitenæringa. Det har sjølvsagt vore mindre møteverksemd i koronaperioden.

Skal ein treffe mange folk, kan ein oppsøkje stader som er plukka ut som årets «10 turfavorittar». I tillegg er det ein del stader som alltid vil ha mykje trafikk, slik som Lauvdalsbrea, Vealia/Versjøen/Grytingen, Sangefjell og Toviken/lungsdalshytta. Det er naturleg nok mest folk ute på finversdagar og i feriar/helger. I år prioriterte oppsynet hytteområde tidleg i sesongen og Nordfjella seinare i sesongen.

ULIKE OPPGÅVER/SPISSING: Det er ikkje nødvendigvis same dagane ein ser mykje folk, mykje sau og mykje vilt. Truleg er det slik fordi gruppene til ein viss grad utelukkar kvarandre, og fokuset til oppsynet vil vere ulikt. Denne sommaren farta oppsynet som sagt ein god del i hytteområde. Mellom anna difor er det registrert mange farlege gjerde i 2021. I hytteområde er 'farlege gjerde' gjerne straumtråd eller straumnett – med eller utan straum. Seinhaustes er nokre område spesielt aktuelle med omsyn til attgåande sau. Det gjeld mellom anna Nordfjella – og Veståsen, dersom det er ikkje er mange elgjegegar ute. Hausten

Rapport: Ål utmarksoppsyn

2021 var oppsynet òg i området Bakketeigen-Kvinnegardslia-Holsåsen med tanke på attgåande sau om hausten.



Skarvanstøltjørne

BANDTVANG: Hund/bandtvang er ei prioritert oppgåve for utmarksoppsynet. Oppsynet opplever talet på laushundar som ganske stabilt. Talgrunnlaget for å hevde dette er imidlertid lite. Ikkje alle følgjer reglane – enkelte er imot reglane medan andre ikkje kjenner reglane godt nok. Det kan verke som at ein del ikkje er klar over at bandtvangen i Ål går ut over dei generelle reglane om bandtvang til 20. august. Det gjev god signaleffekt dersom beitebrukarar/grunneigarar sjølve er nøye med å sette hunden i band når hunden ikkje er i arbeid. Ein bekymring etter 2021-sesongen er området rundt Lauvdalsbrea. Oppsynet har bede rovviltkontakten gje melding om det vert rapportert skadar på sau i Ål framover, best mogeleg informasjonsutveksling mellom ulike instansar er viktig for førebygging og oppsyn. Neste år kan ein og prioritere meir bandtvang-skilting i området Breadalen/Blåbergstølen, og kanskje utarbeide og sette opp større informasjonstavler saman med kommune, SNO, (politiet) med fleire. Dette med nokre større informasjonsskilt, er ein tanke frå beitebrukarar i området.

KARTLEGGING: Det har vore viktig å kartlegge ferdsel på ulikt vis, samt fuglar og dyr, for å kunne bidra til betre oversikt over utmarka i Ål. Regelmessig registrering på «artsobservasjoner.no» kom i gang sesongen 2019. Ein kunne òg til dømes tenkje seg intervju med dei som overnattar i bubil på fjellet, for å lære meir om utmarksbruken deira.

ARBEIDSMILJØET: Utmarksoppsynet heldt nær kontakt med styringsgruppa for prosjektet. Både styringsgruppa og andre ein ringjer til for å få hjelp, er til veldig god hjelp i arbeidet.

Det kan vere verdt å vere i utvikling framfor ein ny sesong. Oppsynet har difor vore på utkikk etter kurs i til dømes GPS-bruk, sanksjonar ved regelbrot, endringar i lovverk med vidare. Eit par fagbøker vart kjøpt inn til tenesta førre sesong.



Ved Bosset

Oppsynet undersøkte og fekk til eit samarbeid med Hol Fjellopsyn allereie i 2018. Dei vikarierte også feltsesongane 2019, 2020 og 2021. Ein kan spørje dei om meir hjelp ved eventuell sjukmelding eller situasjonar med spesielle utfordringar som til dømes brå auke i talet på hund- eller rovviltskadar. Dei to siste sesongane har vi kjøpt tre veker oppsyn av holingane. Det er generelt god hjelp i å kunne drøfte ting med nabooppsyn, eller melde observasjonar vidare til rovviltkontakten. På same måte har styringsgruppa som sagt òg ofte vore til hjelp. Hol Fjellopsyn har hausten 2021 sett på sin eigen organisasjon/modell. Dersom holingane vel å endre måten dei organiserer oppsynet sitt på, må Ål vurdere korleis vi handterer det, og om det er aktuelt for oss også å endre organisering.

UTSTYR: Det vart kjøpt inn GPS til prosjektet i prosjektperioden. Den har vorte brukt å registrere posisjonar og hendingar. GPS-en på telefonen har vore mest i bruk, og blir nytta meir enn papirkart.

Anna aktuelt utstyr til bruk i oppsynsteneste kan vere uniform, regntøy med eigen logo, gummistøvlar, ryggsekk(ar), kikkert, ei robust skaljakke, ikkje minst fjellbukser (kjøpe i 2022?), og kanskje fjellduk til bruk på kalde dagar. Det kunne òg vera aktuelt med meir

Rapport: Ål utmarksoppsyn

sambandsutstyr, til dømes sikringsradio. Drone kan verte aktuelt, eller ein kan låne og teste ut kor nyttig det er til dømes ved saueleiting. Ved hjelp av folk som har litt røynsle byrja oppsynet å orientere seg i dronelandskapet i 2021. Innkjøp i 2021 var fjellsko og ei ny stiftmaskin.

PLAKATAR: Bandtvangplakatar bleiknar, men dei ser stort sett ut til å få vera i fred. Ein bør halde auge med om dei er på plass og skifte dei ut når det trengst. Oppsynet har hengt opp/skifta ut ca. 20-35 stk. årleg. I år er også permanente plakatar nytta mange stader.

RAPPORTERING: Etter kvar oppsynstur har oppsynet skrive ein liten rapport til styringsgruppa. Det har vore ei grei ordning.

STIGAR: Turvegar, skilt og postkasser vert ikkje sjekka systematisk, men oppsynet ser til at alt er i orden, når han er der lell.



Ny permanent plakat

ETTER SAUESANKEN: Oppsynet melder ofte ifrå om sau etter sanken om hausten. Den tida på året ferdast det òg ein del rypejegerar i fjellet. Særleg seinhaustes hadde det vore nyttig om rypejegerar og andre kunne vore enno flinkare til å melde ifrå når dei ser sau i fjellet. Kommunen kan informere meir på nettsider og i møte, og det kan vere ein tanke at alle sameiger som leiger ut jakt har sau som eit punkt i jaktavtalen. Det kan i 2021 verke som om det er nokre fleire som melder om beitedyr no enn tidlegare. Bra!

Det er ei avveging kor lenge utmarksoppsynet skal halde på utover hausten. Det vert mindre folk og beitedyr i fjellet etter haustferien, men ein kan hente inn informasjon, gje rettleiing og treffe folk og dyr også etter den tid. Ein ser til dømes at folk tek kontakt med oppsynet om dei har sett beitedyr – og bandtvang er eit aktuelt tema ut oktober. Spørsmålet vil òg

Rapport: Ål utmarksoppsyn

avhenge av budsjettrammene. Det er ikkje lett å vite kvar ein skal leite etter ei manglande søye seinhaustes. Då kan det vera bra om nokon, til dømes oppsyn, ferdast over større område og på syknedagar.

Eit par spørsmål heilt til slutt: Korleis kan ein nå fleire hytteeigarar slik at alle skjønar at trådgjerde/nylongjerde ikkje er noko ein kan bruke rundt hytta si? Og korleis kan ein sikre at alle har hunden i band? Vi er til stades, vi skiltar, vi tek kontrollar, vi skriv på nettsider, vi snakkar med folk og ulike aktørar, kva meir kan vi få til saman?



Ved Geitevasstølane

Oversikt over økonomien

Pr. 31. desember 2021

Postar	2019 (siste år i prosjektperiode)	2020	2021
Løn (inkl. trekkpliktige godtgjeringar og pensjonsinnskot KLP)	169 085	121 854	121 419
Arbeidsgjevaravgift	17 923	12 917	13 042
Køyre godtgjersle	15 824	16 285	15 338
Bompengar og parkering	3 040	410	450
Kjøpte tenester (Hol Fjelloppsyn)	25 000*)	37 500	37 500
Utstyr eks. mva	4 198	1 693	3028
Telefon	889	650	418
Diverse	1 515		
Tilskot (Ål Sankelag, Ål kommune, Ål Bondelag, Ål Fjellstyre, Vats og Leveld Sau og Geit)	214 000	175 000	175 000
Tilskot Fjellandbruket (utbetaling årstalet etter)		25 000*)	25 000*)
Overskot/underskot	22 876	- 16 309	- 3 695

*) Ål sankelag fekk i 2019 tildelt 50 000 kroner i tilskot til utmarksoppsyn for to år. Pengane blir utbetalt på grunnlag av rapport og årsrekneskap. Det inneber at utmarksoppsynet, via tilskotsmottakaren Ål Sankelag, fekk utbetalt 37 500 kroner (75 %) i 2021. Resten, 12 500 kroner, blir utbetalt når me sender inn rekneskap og rapport for 2021. Det vil gjera at utmarksoppsynet kjem på plussida med 8805 kroner for arbeidsåret 2021.

Utstyr kjøpt i 2021: Eit par fjellsko og ein stiftepistol

Tala frå 2019 og 2020 er tekne med som samanlikningsgrunnlag. 2019 var siste året i prøveprosjektet, medan 2020 var fyrste året ved ordinær drift.

Oversikt over utmarksoppsynet si eige

(Samla frå prøveprosjektet starta i 2017)

- 1 mobiltelefon, lånt av Ål kommune
- 1 mobilladar
- 1 mobilfuttal
- 2 stiftemaskiner
- 2 gule vestar
- 1 grøn vest
- 1 par lange fjellsko
- 2 par halvhøge fjellsko
- 1 GPS
- 1 vind-/regnjakke
- Diverse bomkort til utlån
- 2 fagbøker (om Viltlova og om politiarbeid)
- 1 rumpetaske
- 3 uniform-t-skjorter

Eignelutane blir vidareførte i drifta. Naturleg nok vil sko og klede følgje person.



Ved Gyrinosen